

Broj: 01-01.3-3492-8/17 MA
Datum: 11.09.2017. godine

Na osnovu člana 70. stav (4) Zakona o javnim nabavkama ("Službeni glasnik BiH", broj 39/14), te preporuke Komisije za javne nabavke konstatovane u Zapisniku o pregledu i ocjeni ponuda, broj: 01-01.3-3492-7/17 MA od 05.09.2017. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU o poništenju postupka javne nabavke

I

Poništava se postupak konkurentskog zahtjeva za dostavu ponuda, broj: 01-01.3-3492/17 MA, skupa sa Obavještenjem o nabavci, broj: 266-1-1-272-3-95/17 objavljenom na Portalu javnih nabavki dana 11.08.2017. godine, a koji se odnosi na nabavku roba: "Rezervni dijelovi za Škoda vozila", u skladu sa članom 69. stav (2) tačka d) Zakona o javnim nabavkama (u daljem tekstu: Zakon), jer nijedna od primljenih ponuda nije prihvatljiva.

II

1. Ponuda ponuđača "Apolo" d.o.o. Mostar odbacuje se kao neprihvatljiva, u skladu sa članom 68. stav (4) tačka i) Zakona, jer ponuda ne ispunjava zahtjeve iz tenderske dokumentacije.
2. Ponuda ponuđača "M.R.M. export-import" d.o.o. Ljubuški odbacuje se kao neprihvatljiva, u skladu sa članom 68. stav (4) tačka i) Zakona, jer ponuda ne ispunjava zahtjeve iz tenderske dokumentacije.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba.

O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa čl. 18. stav (1) i 32. stav (6) Zakona, pokrenulo konkurentski zahtjev za dostavu ponuda, broj: 01-01.3-3492-8/17 MA za nabavku roba: „Rezervni dijelovi za Škoda vozila“. Na Portalu javnih nabavki objavljeno je Obavještenje o nabavci, broj: 266-1-1-272-3-95/17 dana 11.08.2017. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije zakazano je javno otvaranje ponuda dana 28.08.2017. godine u 10:30 sati u prostorijama Javnog preduzeća „Autoceste Federacije Bosne i Hercegovine“ d.o.o. Mostar, Operativni ured u Sarajevu, Dubrovačka 6, Sarajevo, što je



konstatovano u Zapisniku o otvaranju ponuda, u skladu sa Zakonom. Komisija je na javnom otvaranju ponuda konstatovala da su ponudu predala (2) dva ponuđača.

Komisija je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu i preporuci Komisije za javne nabavke, poništava se otvoreni postupak za nabavku roba „Rezervni dijelovi za Škoda vozila” u skladu sa članom 69. stav (2) tačka d) Zakona, jer nijedna od primljenih ponuda nije prihvatljiva.

- Ponuda ponuđača „Apolo” d.o.o. Mostar odbacuje se kao neprihvatljiva u skladu sa članom 68. stav (4) tačka i) Zakona, jer ponuda ne ispunjava zahtjeve iz tenderske dokumentacije u pogledu načina vršenja ispravki u ponudi. Ponuda sadrži takve ispravke gdje je više stavki cijene ispravljeno korektorom, potvrđeno potpisom i pečatom ponuđača, ali bez navedenog datuma ispravke, nekoliko stavki je ispravljeno korektorom a ispravka nije potvrđena potpisom ponuđača, te nije naveden datum ispravke, a neke stavke su ispravljene hemijskom olovkom, bez da je ranija cijena precrtana, a nova čitko napisana, te bez potvrde ispravke potpisom ponuđača i bez navođenja datuma ispravke.
- Ponuda ponuđača „M.R.M. export-import” d.o.o. Ljubuški odbacuje se kao neprihvatljiva u skladu sa članom 68. stav (4) tačka i) Zakona, jer ponuda ne ispunjava zahtjeve iz tenderske dokumentacije u pogledu načina vršenja ispravki u ponudi. Ponuda sadrži takve ispravke gdje je numeracija nekoliko stranica ispravljena korektorom, te nekoliko stranica ispravljeno hemijskom olovkom, a ispravke nisu potvrđene potpisom ponuđača i nije naveden datum izvršene ispravke.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

**izvršni direktor
za upravljanje i održavanje:**

.....
Marin Jelčić, dip.ing.saob.

direktor:

.....
Adnan Terzić, dipl.ing.

Dostaviti:

- „Apolo” d.o.o. Mostar,
- „M.R.M. export-import” d.o.o. Ljubuški,
- a/a.

